

'Mungkin sebab ditolak arus'

SH 8/12/2019 M/S 31

MARANG - Kehadiran seekor penyu yang muncul di Pantai Pulau Kekabu di sini menarik perhatian penduduk di kawasan itu.

Penemuan itu dikongsi menerusi laman sosial Facebook MarangKiter jam 7.16 petang kelmarin.

Menurut perkongsian itu, penyu itu ditemui muncul di pantai itu pagi kelmarin.

"Anak penyu mendarat di Pantai Pulau Kekabu pagi tadi (kelmarin).

"Besor (besar) kekgi (nanti) marilah jalan sinning (di sini) lagi neh (ya)," katanya.

Sementara itu, Pengarah Perikanan Negeri Terengganu, Zawawi Ali berkata, penyu daripada spesies karah itu dianggarkan berusia lima hingga enam tahun.

Katanya, itu adalah kali pertama pantai itu menerima 'kunjungan' daripada hidupan yang tergolong dalam spesies terancam itu.

"Biasanya penyu daripada spesies ini mendarat di Pulau Kapas. Belum pernah lagi penyu naik ke pantai di Pulau Kekabu.



MarangKiter

Yesterday at 7:16



PENYU MUNCUL DI PANTAI PULAU KEKABU

Anak penyu mendarat di Pantai Pulau Kekabu pagi tadi. Besor kekgi mari la jalan sinning lagi neh.

Muhammad Firdaus Mamat

476

38 Comments



Penemuan penyu di Pantai Pulau Kekabu yang tular di media sosial kelmarin.

Mungkin sebab ia ditolak arus deras," katanya ketika dihubungi *Sinar Harian* di sini semalam.

Katanya, terdapat 49 pantai di Terengganu yang menjadi lokasi pendaratan penyu untuk bertelur.

"Penyu akan mendarat di lokasi-lokasi itu dalam tempoh tertentu untuk bertelur.

"Musim bertelur atau penyu mendarat biasanya pada bulan Mac hingga Oktober sahaja," katanya.